

# ԱՐՊՅ ՌԵԿՏՈՐԱՏԻ ՆԻՍՏ

Հունիսի 15-ին տեղի է ունեցել ԱրՊՅ ղեկավարատի նիստ, որը վարում էր ղեկավար Արմեն Սարգսյանը: Նիստին ղեկավարը անդրադարձել է հունիսի 9-ին ՀՀ «Մասնագիտական կրթության որակի ապահովման ազգային կենտրոն» հիմնադրամի կողմից ԱրՊՅ-ում առցանց եղանակով իրականացված որակի ներքին ապահովման համակարգերի գործունեության մշտադիտարկման արդյունքներին, նախաձեռնել հետագա ամելիքները:



Օրակարգի հարցով ԱրՊՅ ուսումնական աշխատանքների գծով պրոռեկտոր Գ. Սահակյանը տեղեկատվություն է ներկայացրել ամփոփիչ ատեստավորման ընթացքի մասին՝ նշելով, որ գործընթացն ընթանում է բնականոն, առանց որևէ էական խնդիրների ու խոչընդոտների:

Օրակարգի հաջորդ հարցերով ֆակուլտետների ղեկավարները հանդես են եկել տեղեկատվություններով, որոնք վերաբերում էին կիսամյակային ստուգումների ընթացքին և հեռակա ուսուցման համակարգի երկրորդ կիսամյակի ուսումնական գործընթացի ընթացքին, որոնք իրականացվում են առցանց եղանակով:

ԱրՊՅ ղեկավարը անդրադարձել է նաև մագիստրատուրայի ընդունելության առաջին փուլի նախապատրաստական աշխատանքներին, որի վերաբերյալ ղեկավարը որոշում կկայացնի առաջիկայում:

Քննարկված հարցերի վերաբերյալ ղեկավարը հանձնարարականներ է տվել համապատասխան ստորաբաժանումների ղեկավարներին՝ հորդորելով դրսևորել պատասխանատվություն ստեղծված իրավիճակում ուսումնական գործընթացը պատշաճ կազմակերպելու համար և հետևելով համավարակի տարածման կանխարգելման նպատակով սահմանված բոլոր պահանջներին:

Բնակարգի հարցով ԱրՊՅ ուսումնական աշխատանքների գծով պրոռեկտոր Գ. Սահակյանը տեղեկատվություն է ներկայացրել ամփոփիչ ատեստավորման ընթացքի մասին՝ նշելով, որ գործընթացն ընթանում է բնականոն, առանց որևէ էական խնդիրների ու խոչընդոտների:

## ԿԱԶՄԱԿԵՐՊՎԵԼ ԵՆ ԱՄՓՈՓԻՉ ԱՏԵՍԱՎՈՐՄԱՆ ՔՆՆՈՒԹՅՈՒՆՆԵՐԸ, ԱՎԱՐՏԱԿԱՆ ԱՇԽԱՏԱՆՔՆԵՐԻ ԵՎ ՄԱԳԻՍՏՐՈՍԱԿԱՆ ԹԵԶԵՐԻ ՊԱՇՏՊԱՆՈՒԹՅՈՒՆՆԵՐԸ

Հունիսի 10-ից մեկնարկել են ԱրՊՅ բակալավրիատի առկա և հեռակա, մագիստրատուրա առկա ուսուցման համակարգերի 2019-2020 ուսումնական տարվա ավարտական կուրսերի ամփոփիչ ատեստավորման քննությունները, ավարտական աշխատանքների և մագիստրոսական թեզերի պաշտպանությունները ավանդական եղանակով:

Ուսանողների՝ հինգ հոգուց բաղկացած խմբերի համար նախապես սահմանվել էր համալսարան ներկայանալու ժամանակացույց: Ըստ հաստատված ժամանակացույցի՝ ուսանողները փոքր խմբերով ներկայացել են բուհ դիմակներով և ձեռնոցներով՝ հետևողականորեն պահպանելով համավարակի կանխարգելմանն ուղղված բոլոր պայմանները:

Ռեկտոր Արմեն Սարգսյանը հավաստիացրել է, որ պահպանվել են բոլոր անհրաժեշտ պայմանները՝ ուսումնական տարին պատշաճ մակարդակով ավարտին հասցնելու համար:

Նրա խոսքով՝ համաձայն նախապես ընդունված ղեկավարատի որոշման՝ հանրապետության սահմաններից դուրս, ինչպես նաև պարետատան որոշմամբ տեղաշարժի սահմանափակման մեջ գտնվող ուսանողների ստուգումները կազմակերպվել են հեռա-

վար եղանակով:

Այս տարի շուրջ 747 շրջանավարտ է ունեցել ԱրՊՅ-ն, և, ինչպես ղեկավարը է նշել, քննարկումների և խորհրդակցությունների արդյունքում է ընդունվել ստուգումներն ավանդական եղանակով կազմակերպելու վերաբերյալ որոշում, որպեսզի չլինեն թերացումներ գործընթացի արդյունավետությունն ապահովելու հարցում:

«Բոլոր այն լսարաններում, որտեղ կազմակերպվել են ստուգումները, իրականացվել են ախտահանման աշխատանքներ, ախտահանումը պարբերաբար կրկնել են, պահպանվել են համավարակի տարածման կանխարգելմանն ուղղված անվտանգության բոլոր կանոնները», - նշել է ղեկավարը:

Ուսումնական գործընթացի վերահսկման բաժնի պետ Գոհար Գասպարյանի խոսքով՝ գործընթացն ընթացել է բնականոն հունով, արտառոց որևէ խնդիր չի արձանագրվել:

Ամփոփիչ ատեստավորման քննությունները, ավարտական աշխատանքների և մագիստրոսական թեզերի պաշտպանությունները տեղ են մինչև հունիսի 15-ը:

# ԱՐՑԱՆԻ ՀԱՄԱԼՍԱՐԱՆ



ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՄՍԱԹԵՐԹ - ЕЖЕМЕСЯЧНАЯ ГАЗЕТА «АРЦАХИ АМАТՅԱՐԱՆ»

№ 03(226)  
Հունիս-հուլիս 2020

## ԱՐՊՅ ՌԵԿՏՈՐ ԱՐՄԵՆ ՍԱՐԳՍՅԱՆԸ ՇՆՈՐՀԱՎՈՐԵԼ Է ԲՈՒՅԻ ՇՐՋԱՆԱՎԱՐՏՆԵՐԻՆ

Սիրելի՛ շրջանավարտներ

Ջերմորեն շնորհավորում եմ բոլորիդ՝ բուհն ավարտելու կապակցությամբ: Արցախի պետական համալսարանը եղել և մնում է մեր երկրի համար մասնագետներ պատրաստող այն դարբնոցը, որը մշտապես հպարտանալու առիթ է ունեցել իր թողարկած կադրերով: Համոզված եմ, որ Դուք ևս համալրելու եք մեր հանրապետության այն լավագույն մասնագետների շարքը, ովքեր իրենց մասնագիտական ներուժն ու կարողությունները ծառայեցնում են ի նպաստ մեր հայրենիքի բարօրության ու զարգացման: Ձեր կյանքի ճանապարհին մշտապես հիշեք, որ լավ մասնագետ լինելուց առաջ պետք է լինել լավ մարդ, որովհետև բոլոր կոչումներն ու պաշտոնները ստորադասվում են մարդ կոչմանը: Լիափույս եմ, որ Ձեր մասնագիտական կարողությունների ու մարդկային որակների շնորհիվ կարողանալու եք կյանքում գտնել Ձեր տեղը:



Այսօր դժվարին պայմաններում եք հրաժեշտ տալիս բուհին: Աշխարհը պատուհասած համավարակի և դրա տարածման դեմ ձեռնարկվող կանխարգելիչ միջոցառումների պայմաններում, ցավոք, հնարավորություն չէրավ ավանդույթ դարձած հանդիսավոր

պայմաններում հանձնելու Ձեր դիպլոմները, սակայն, համոզված եմ, որ անգամ այս պայմաններում Ձեր կյանքի այս դրվագը լինելու է անմոռանալի ու ջերմ հիշողություններ արթնացնող ամբողջ կյանքի ընթացքում:

Մաղթում եմ ձեզ հաջողություններ, առողջ եղեք:

## ԱՐՊՅ ՇՐՋԱՆԱՎԱՐՏՆԵՐԻ ԴԻՊԼՈՄՆԵՐԻ ՇՆՈՐՀՄԱՆ ԱՐԱՐՈՂՈՒԹՅՈՒՆ



Հունիսի 22-ից ԱրՊՅ-ում մեկնարկել է 2019-2020 ուսումնական տարվա բուհի շրջանավարտների դիպլոմների շնորհումը: 2019-2020 ուսումնական տարում բուհը թողարկում է 747 շրջանավարտ, որից 577-ը՝ բակալավրի, 170-ը՝ մագիստրոսի կոչումով: Բակալավրիատի 577 շրջանավարտներից 76-ը բուհն ավարտել են գերազանցության դիպլոմով:

ԱրՊՅ ուսումնական աշխատանքների գծով պրոռեկտոր Գ.Սահակյանի խոսքով՝ այս տարվա շրջանավարտների մասով գրանցվել է բարձր առաջադիմություն՝ նախորդ տարվա համեմատ: Ամփոփիչ ատեստավորման քննությունների, ավարտական աշխատանքների, մագիստրոսական թեզերի արդյունքները գոհացուցիչ են:

|  |                                                                                                                           |                                                                                       |                                                                                             |                                                                                   |
|--|---------------------------------------------------------------------------------------------------------------------------|---------------------------------------------------------------------------------------|---------------------------------------------------------------------------------------------|-----------------------------------------------------------------------------------|
|  | <p>«ԱՐՑԱՆԻ ՀԱՄԱԼՍԱՐԱՆ» ամսաթերթ</p> <p>Հիմնադիր՝ «ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆ» ՊՈԱԿ</p> <p>Հրատարակվում է 1994 թվականից</p> | <p>Խմբագիր՝ Զ. Սառաջյան</p> <p>Մեր հասցեն՝ Մ. Գոշի 5:</p> <p>Հեռ.՝ (047) 94 04 91</p> | <p>Տպաքանակ 400</p> <p>Տպագրվում է Արցախի պետական համալսարանի հրատարակչության տպարանում</p> | <p>Իմացիր քո համալսարանի մասին:</p> <p>Այցելիր asu.am կայք:</p> <p>www.asu.am</p> |
|--|---------------------------------------------------------------------------------------------------------------------------|---------------------------------------------------------------------------------------|---------------------------------------------------------------------------------------------|-----------------------------------------------------------------------------------|



# ԿԱՅԱՑԵԼ Է ԱՐՊՅ ԳԻՏԽՈՐՐՉՐԴԻ ՆԻՍՏ

**Հունիսի 29-ին կայացել է ԱրՊՅ գիտխորհրդի նիստ, որին ներկա էր նաև ԱՅ ԿԳՄ նորանշանակ նախարար Լուսինե Ղարախանյանը: Ողջունելով ներկաներին՝ ԱրՊՅ ղեկավար Արմեն Սարգսյանը գիտխորհրդի կազմի անունից շնորհավորել է նորանշանակ նախարարին՝ մաղթելով արդյունավետ գործունեություն:**



Օրակարգի առաջին հարցով սահմանվել են ԱրՊՅ 2020-2021 ուսումնական տարվա բակալավրիատի, մագիստրատուրայի, ասպիրանտուրայի, հայցորդության ուսման վճարի տարեկան չափերը:

ԱրՊՅ հավատարմագրման գործընթացի մասին տեղեկատվություն է ներկայացրել որակի ապահովման բաժնի վարիչ Յասմին Մինասյանը՝ նշելով, որ արդեն կատարվել են հիմնական աշխատանքները և դրանք գտնվում են ավարտական փուլում: Խոսելով աշխատանքների ավարտական փուլի մասին՝ Յ. Մինասյանը ընդգծել է, որ այն առավելապես կապված է արտակարգ իրավիճակում ԱրՊՅ կողմից առցանց եղանակով ուսումնական գործընթացի կազմակերպման ուղղությամբ իրականացված աշխատանքների և դրանց ներկայացման հետ:

2019-2020 ուսումնական տարվա ամփոփիչ ատեստավորման քննությունների, ավարտական աշխատանքների և մագիստրոսական թեզերի պաշտպանության արդյունքների մասին ամփոփ տեղեկատվություն է ներկայացրել ԱրՊՅ ուսումնական աշխատանքների գծով պրոռեկտոր Գ. Սահակյանը: Պրոռեկտորը ներկայացրել է հիմնական ցուցանիշները՝ խոսելով նաև թերացումների մասին:

ԱՅ ԿԳՄ նախարար Լուսինե Ղարախանյանը իր խոսքում նշել է, որ COVID-19-ը իր հետ բերել է նոր

ռազմավարություններ մշակելու մարտահրավերներ: Նրա խոսքով՝ իրենց պարտականությունները բարեխղճորեն չկատարող դասախոսների ծանրաբեռնվածությունը պետք է վերանայել նոր ուսումնականից: Որակի ապահովումը սկսվում է նրանից, երբ յուրաքանչյուրը պատճառ մակարդակով կատարում է իր պարտականությունները:

Գիտխորհուրդը օրակարգի հաջորդ հարցերով տպագրության է երաշխավորել ԱրՊՅ «Գիտական տեղեկագիր» պարբերականի հերթական համարը, հաստատել գիտխորհրդի կազմում փոփոխություն կատարելու մասին հարցը, անցկացրել ԱրՊՅ տնտեսագիտության տեսության և կառավարման, պատմության և քաղաքագիտության ամբիոնների վարիչների թափուր պաշտոնների մրցույթը:

Քվեարկության արդյունքում ԱրՊՅ տնտեսագիտության տեսության և կառավարման ամբիոնի վարիչ է ընտրվել տ.գ.թ., դոցենտ Շուշան Ասրյանը, պատմության և քաղաքագիտության ամբիոնի վարիչ՝ պ.գ.թ., դոցենտ Նունե Սարունյանը:

Գիտխորհուրդը հաստատել է նաև Իսկուհի Նիկոլայի Ավանեսյանին դոցենտի կոչում շնորհելու և այն ՀՀ ԲՈԿ-ի վավերացմանն ուղարկելու մասին հարցը:

## ԼՈՒՅՍ ԵՆ ՏԵՍԵԼ «ԱՐՑԱԽԻ ԺՈՂՈՎՐԴԱԳԻՏՈՒԹՅՈՒՆԸ» ՄԱՏԵՆԱՇՆԱՐԻ ԱՌԱՋԻՆ ԵՎ ԵՐԿՐՈՐԴ ՀԱՏՈՐՆԵՐԸ

**Արցախի պետական համալսարանի գիտական խորհրդի որոշմամբ տպագրվել են «Արցախի ժողովրդագիտությունը» մատենաշարի առաջին և երկրորդ հատորները՝ «Արցախի ժողովրդագիտությունը. Ազգագրություն» աշխատասիրությամբ և ընդհանուր խմբագրությամբ ք.գ.թ., դոցենտ, ԼՂՀ գիտության վաստակավոր գործիչ Արմեն Սարգսյանի:**

«Արցախի ժողովրդագիտությունը» մատենաշարը, որը հիմնադրվել է Արցախի պետական համալսարանի գիտխորհրդի որոշմամբ և նվիրվում է մայր բուհի հիմնադրման 50-ամյակին, ընդգրկում է Արցախի ժողովրդագիտության երեք բնագավառներին՝ ազգագրությունը, բանահյուսությանն ու բարբառին վերաբերող այն հիմնական ուսումնասիրությունները, աշխատությունները, գիտական զեկուցումները, ճանապարհորդական նոթերը, հուշագրությունները և այլ նյութերը, որոնք գրառվել ու հրատարակվել են հայ և օտարազգի տարբեր ազգագրագետների, բանահավաքների, բարբառագետների, այլ բնագավառների գիտնականների, հասարակական գործիչների, գրողների, Շուշի քաղաքի և

որոշ գյուղերի ուսումնական հաստատությունների ուսուցիչների ու տեսուչների կողմից 19-րդ դարի կեսերից առ այսօր: Յուրաքանչյուր բնագավառին վերաբերող առաջին հատորի առաջաբանում տրվում է տվյալ բնագավառի ուսումնասիրության պատմությունը, իսկ եզրափակող հատորի վերջում՝ ամբողջական մատենագիտական ցանկը: Նյութերը ներկայացվում են որոշակի խմբագրությամբ և սրբագրությամբ (բացառությամբ բարբառով գրառված նյութերի)՝ ընդհանուր առմամբ համապատասխանեցնելով ուղղագրության ու տառադարձության արդի սկզբունքներին: Բնօրինակներում ընդգրկված լուսանկարները, գծագրերը և այլ բնույթի պատկերները, վերջում տրված ծանոթագրությունները, անձնանունների ու տեղանունների ցանկերը հատորաշարում հիմնականում չեն ներառվում: Մատենաշարի առաջին և երկրորդ հատորներում ընդգրկված են նախախորհրդային և խորհրդային շրջաններում կատարված՝ Արցախի ազգագրությանը վերաբերող արժեքավոր ուսումնասիրություններ:

# ՔԱՆԱՐԿԵԼ ԵՆ ՈՒՍՈՒՄԱԿԱՆ ԳՈՐԾՆՔԱՑԻՆ ՎԵՐԱԲԵՐՈՂ ՀԱՐՑԵՐ

**Հունիսի 5-ին ԱրՊՅ-ում տեղի է ունեցել ղեկավարատի նիստ, որի ընթացքում քննարկվել են ուսումնական գործընթացի վերաբերող հարցեր: Առկա և հեռակա ուսուցման համակարգերի հեռավար ուսուցման ընթացքի մասին տեղեկատվությամբ համոզել են եկել ֆակուլտետների ղեկավարները՝ նշելով, որ գործընթացը ընթանում է բնականոն հունով:**



սանողների անունները, ովքեր համարակարգում բնակվելու համար վճարել էին նաև երկրորդ կիսամյակի վարձը: Մարտի 1-ից մինչև հունիսի 1-ը ընկած ժամանակահատվածում համարակարգում

Ավարտական խմբերի ամփոփիչ ատեստավորման նախապատրաստական աշխատանքների մասին տեղեկատվություն է ներկայացրել ուսումնական աշխատանքների գծով պրոռեկտոր Գ.Սահակյանը: Ըստ տեղեկատվության՝ նախանշված աշխատանքներն իրականացվում են, համապատասխան լսարանները տեխնիկապես ապահովվել են, գործընթացը շարունակվում է՝ ամփոփիչ ատեստավորման ստուգումները պատշաճ մակարդակով կազմակերպելու նպատակով:

Օրակարգի հաջորդ հարցը վերաբերում էր համարակարգարանային ուսանողների մուծած վճարների մասնակի վերադարձման գործընթացին: ԱրՊՅ ղեկավարը նշել է, որ ներկայումս այդ ուղղությամբ աշխատանքներ են տարվում և ծշտվում են այն ու-

բնակվելու համար կատարած վարձավճարները վերադարձվելու են ուսանողներին:

Օրակարգի մյուս հարցը հունիսի 9-ին կայանալիք ԱրՊՅ ինստիտուցիոնալ հավատարմագրման մշտադիտարկման նախապատրաստական աշխատանքներին էր վերաբերում: Ռեկտորատը քննարկել և ամփոփել է այդ ուղղությամբ կատարված աշխատանքի առաջնություն կետերը՝ նախանշելով անելիքները:

ԱրՊՅ ղեկավար Արմեն Սարգսյանը քննարկված հարցերի վերաբերյալ հանձնարարականներ է տվել համապատասխան ստորաբաժանումներին առկա թերացումների վերացման ուղղությամբ՝ հորդորելով ստեղծված իրավիճակում դրսևորել պատասխանատվություն և ամեն ինչ անել ուսումնական գործընթացը արդյունավետ կազմակերպելու, ուսումնական տարին պատշաճ մակարդակով ավարտին հասցնելու համար:

## ՀՀ «ՄԱՍՆԱԳԻՏԱԿԱՆ ԿՐԹՈՒԹՅԱՆ ՈՐԱԿԻ ԱՊԱՅՈՎՄԱՆ ԱԶԳԱՅԻՆ ԿԵՆՏՐՈՆ» ՀԻՄՆԱԴՐԱՄԻ ԿՈՂՄԻՑ ԱՐՊՅ-ՈՒՄ ԱՌՑԱՆՑ ԵՂԱՆԱԿՈՎ ԻՐԱԿԱՆԱՑՎԵԼ Է ՄՇՏԱԴԻՏԱՐԿՈՒՄ

**Հունիսի 9-ին ՀՀ «Մասնագիտական կրթության որակի ապահովման ազգային կենտրոն» հիմնադրամի կողմից ԱրՊՅ-ում առցանց եղանակով իրականացվել է որակի ներքին ապահովման համակարգերի գործունեության մշտադիտարկում:**



Հիմնադրամի կողմից Zoom հարթակի միջոցով իրականացված առաջին քննարկմանը մասնակցում էին ԱրՊՅ ղեկավար Արմեն Սարգսյանը, պրոռեկտորները, ՀՀ «Մասնագիտական կրթության որակի ապահովման ազգային կենտրոն» հիմնադրամի տնօրեն Ռուբեն Թոփչյանը, փորձագետներ:

Քննարկման ընթացքում համալսարանականները անդրադարձել են երկրում հայտարարված արտակարգ իրավիճակում ուսումնական գործընթացի կազմակերպմանը, հեռավար ուսուցման ընթացքում ունեցած ձեռքբերումներին ու թերացումներին, խոսել ի հայտ եկած խնդիրների լուծման ուղղությամբ ձեռնարկված քայլերի, անելիքների և ուսումնական գործընթացի ու որակի բարելավմանը վերաբերող հարցերի մասին:

Քննարկման մասնակիցները պատասխանել են նաև փորձագետների կողմից հնչած հարցերին:

Հաջորդիվ նման առցանց հանդիպումներ քննարկումներ են իրականացվել նաև ամբիոնների վարիչների, պրոֆեսորադասախոսական կազմի ներկայացուցիչների, ուսանողների, որակի ապահովման բաժնի պատասխանատուների և ինքնավերլուծություն իրականացրած խմբերի ներկայացուցիչների հետ:

Վերջում ամփոփվել են մշտադիտարկման աշխատանքները: